

'DAMNA AW' PHUNGVUKTUTE :

PATRON MEMBERS :

- | | |
|-----------------------|----------------------|
| 1, Pu P.Vaiphei IAS, | Imphal |
| 2, Upa Henthianthang, | S.Kotlian |
| 3, T/Upa Haulallawm | S.Kotlian |
| 4, Upa Laltinkhup, | HQ. Church, Tuibuang |
| 5, Pi Manliankim, | HQ. Church, Tuibuang |
| 6, Nk. Lalsangpui, | S.Kotlian |
| 7, Upa D. Mina, | Lingsiphai |
| 8, T/Upa Ph. Gena, | Lingsiphai |
| 9, Pu. Khamlal | Saipum |

MEMORIAL GIFT :

- | | |
|---------------------|--|
| 1. Pi Deem Melody, | Central Church, (Rengkai)
[in loving memory of (L) Upa Lamthianlal] |
| 2. Pi Rebekah | Kangvai
[In loving memory of (L) Pastor Khaivung] |
| 3. Upa Liansomthang | Lingsiphai
[In loving memory of (L) Pu. Henzagen] |

SUPPORTING MEMBERS :

- | | |
|-----------------------|-----------------|
| 1. Upa Khomlunlal | S.Kotlian |
| 2. Pu Genthiankap, | Nghathal |
| 3. Pu. S.Thangminlian | Lingsiphai |
| 4. Pu Lelboi, | Lingsiphai |
| 5, T/Upa Lalneilian | Central Church, |
| 6. Pu EL Soson | Central Church |
| 7. T/Upa Genminthang, | Central Church, |
| 8. Pi Kimneihawi | Saipum |

ENCOURAGERS :

- | | |
|------------------------|--------------------------------|
| 1, Pu P. Kamneilian, | Lingsiphai |
| 2, Pastor Kaiminlian, | L. Sharonphai |
| 3, Upa K.Thanga, | Kangvai |
| 4, T/Upa Manglem, | Kangvai |
| 5, Upa S.Bela Capvung, | Kangvai |
| 6, T/Upa David, | HQ Church, Tuibuang |
| 7, T/Upa Khupneu, | HQ Church, Tuibuang |
| 8, T/Upa Zamthamuan | HQ Church, Tuibuang |
| 9, Pu Lamthianlun, | Central Church, Compound Veng, |
| 10, Pu Vendam, | Central Church, Compound Veng, |
| 11, Pu Haudal, | Nghathal |
| 12, Pu Khamliankhual, | Nghathal |
| 13, Pi Mary Vaiphei, | Nghahal |
| 14, Upa Paukholam | Nghathal |
| 15, Pu Tongzahem | Nghathal |



La khut ah um kha bang ahem?

~Exodus 4: 2.

Tu khang ah gingtute hinkhua mat dan haw leh nisin hinkhua matdanteu i ngaitua phat leh lungthim khat ah hung kilang pai sek chu "La khut ah um kha bang ahem?" ti hi ahi. Tulai gingu a tamzawte Pathian in i khut ua thil khat semdawk thei ding leh hidawk thei dinga talent ei piakte kihetdawklo a kitam ma ma hi. A khut ngei ah athil chawi kiihatta, himaleh bang ah mat ding ahem? ti a buai ma ma ziang le ki um nalai ahi.

Panpina ahem?

Khawvel i khawsaknau ahin eimau taksa ngei ah bang hem midangte a dinga ka hithei um ti hi ahi. I lim leh mel et a duanghawi ma ma ziang himaleh midangte a dinga phat chuamna umlo chu Khristian hinkhua ah panna bei gual mai ahi. Pathian thilthawn piak mihingte'n i nei pen uh hi a matdan thiam a ngai hi. Chuleh i khut leh kengte kim kei ah ei kawi piaktupa ngei dawi lam sepna mat dinga thupiak ahi. Damsung chawmcha i nei sung ua mite lawkna dinga thilpha khat le sep daw/bawldaw i neilo khak ding hi chu thatda um leh vangsiat um pen khat chu ahi.

Hepina khut ahem?

Gingu khat chu hepina hau ding ahi tizing ngal in

semdaw neilo in chu thiat thiat ta hen la, a kam bep in gen sek maleh a Insak leh Inthangte beidawng hun ah hepina neilo in kihiatlosak taleh bang ahem apha chawm ding? Hepina kiti chu ama neksik kiphal taka midangte pengam ziang chu ahi. Pathian ngei inle a siamsa mihingte a hepina zia kin A chapa neisun thing Khros chung ah nang leh kei ei tatna ding in a hun sawl ahi.

Teptena ahem?

Tuni'n nangma gingu khat la hina zal in, Khrista a dinga bang gual teptena la bawl kha tam? migenthei/liangngvaite chung a nangma hekna tiang in pan la lakha tam? Khrista zal ah la nei la go mite a dinga panpina la nei kha tam? tuni hin a chia zinglai i hinau ahin, eima i thi

nung tiang ah mi dangte'n ahiat milthei taklo ding bawl dawktu kihita le hin Thagau thu lam ah mi lawting khat chu kihi ziang ding dan ahi.

Thawk hatna ahem?

Khrista nungzuitute a dinga thil pawimawpen khat chu thawkhatna hi ahi. Nisin i kalchawina ahin thepna leh sawisakna chu gingtute zosia a dinga a lotheilo leh kuama'n a peldaw theilo ahiziakin i gingtu nunna lam ahin Khrista awmpahaw a chun kivan ngai ahi. Pathian in a chate genthei ding leh haksatnate thawk a phal ah chuleh, thina tiang hial le tuak ding apha hi. Ziakiachun, gentheina leh haksatnate khawksalo ah Pathian lopina ding a a tamtheipen i sep daw guat zawk ding ahi.

Genthei chaga sawmdawlnate hi Lalpa lopina suklatna dinga lampi hawitak mai ahin, zia haw ahin le theitawp i sua ding ahi. Mihing gam a chun taksa lam ah i thilneite ah Pathian nasepna chu chimchakna tiang um sek maleh zia hi Pathian in ka sep ding a ei piak ahi ti'n haksa maleh pang tuntun a ngai hi.

A haksa'i ti'n kithada

lechun bang ahem Khrista ah la gochan ding chu? Nawpni hileh thatdani inle gin um in thuk ak hat leu hin it hawk mualsua phat le kipakna leh limna chu chang pan bep ding i hiu.

Kinepna ahem?

Khawvel hi kitaitetna gam ahin, malam kinepna nei a lian aneu in thiamna leh hiatna/pilna i del chiatna mun ahi. Kochuam gam ahin le mipte'n kinepna sang takmai vaihawmtute chung in a nei u'i. Ziakiachun, vaihawmtu ding chu mite sanga hiatna, thianthona, zaidawna, nunnemna leh thagau lam mitvakna nei mi chu a kinepna'u chu ahi. Kinepna khat hiat nei in banglam kawng tai male'u hin kua ma zosia chu lawting kim diaklo ahi. Ziagual ma chun, gingtute hin vangam kinepna nei tai maleu hin uh mi zosia vang van gam ki lut diaklo thei ahi. Ziakiachun, gingtute'n i khut ua um Pathian in midangte a dinga malzawl na hithei ding a hatna, a sia leh pha hiat khen theina ding ah ei piak pilnate leh ama lopina dinga tamtak i septhei lai un thada mailo a, gingtute'n kinepna i nei uh vang gam luathe i ngei ding in pan lathak zel hitiu.

S. KOTLIAN PRESBYTERIAN CHURCH Khuga District, KSP

KIPAKTHU GENNA

Date 26/08/2018 (Sunday) 2:00PM ah kochuam KKP unit te'n a siam uh Gospel Video Album, "Kumtuang Khawpi, Vol-1" hawnna, ngaina ei hung panpiak gim leh chawl, sen leh so khawksalo ah, Sadar District, Tuithanak District, Town District leh Khuga District ah Pastorte, Upate, Tual Upate leh mimal tawmngaite chungin ka kipakna'u sangpen ka hun pia'u hi.

Lalpa'n ale tamtak in hun malsawm ta hen.

Dated/S.Kotlian

The 26th August 2018

Lalgam ah la seppiu, Kochuam sika

Sd/-

T.Upa Ginkholien
Local Secretary

PHUNGVUKTU KIBELAP ZEL

Pathian mapuina zal in "DAMNA AW" hi issue 8na tiang tungthei ding dinmun ah i um zia un Lalpa chu pakin um ta hen! Tutiang ahin ngainatu leh Phungvuktu ding kibelapto zel in issue 8na ahin le suklat ding a um kita, ziate chu:-

- (i) Pu. Hausang of Shillong- **Supporting member**
- (ii) T.Upa. Lallianthang of Salem church - **Encouraging Member**
- (iii) T. Upa K.K Siam of Tangmual - **Encouraging Member**

A chung ah kitak lang malsawmna ziaka na lopi tak mai semte haw zal ahin DAMNA AW hi man tawmcha i la chawk thei uh ahi zia in i kipaknau a sang mama ah, a chung un kipak thu i genlo theilo uh ahi.

Pathian Thugente hiat Dinga Pawimaw khenkhatte....

~Pro. Pastor Seilunlal, Tuithanak District.

1. Biakin ah thugen dinga guat la hi chun, Pathian panpina leh Thagau Thiangtho pawl ah la um theina ding in la pindan sung in kilan thiangtho masan.
2. Pathian thugen dinga guat ah la um ni pat chun, la hun a tamzaw ngaituana la piak ding ahi. Bible mun khat mawk sim ah eima dutuina mai ah gen ding ahi puai.
3. Pulpit ah thugen ding la hi chun, amasa'n la kivan dan ahawi thei ding pen in kivan in. Chuleh la aw suak le mipite hiatthei ding pen in mang in.
4. Thugentu ding la hi chun, nangma chanchin gen gen kinla, nangma chanchin ngaitha dinga kuama hung ahi puan, Pathian thutak leh hepina thu chu gen mai in.
5. Pathian thugen ding la hi chun, la Inmun la nutsia ma'n la gen ding cheng chu phataka leptuaksa kawi in.
6. Biakin sunga chanchinpha puang ding ah guat la hi chun, kei mimawl, thiamna neilo pen, ka kiging man puai, kei migilope'n tia la gen sang in la thasang dingin mi dang guat zaw mai in.
7. Pathian thugen ding la hichun, nangma ginchak dan gen mai mai kinla, Bible sung ah Pathian thute bep gen zaw in.
8. Pathian thu la gen tak leh, a thupi(subject) mang in gen inla, a thupi tawh kituaklo tekthinthu gen tamlo apha.
9. Pathian thugen ding la hi a topic kipia ahichun, athei laisia thu dang ha gen tamlo in topic ki piakna khel lam chu gen gaw da ham ham in.
10. Pathian thu la gen phat leh nang man la phak lona tiang gen kinla, la phak na tiang bep gen in. A ngaithatute'n la phaklona tiang la gen phat leh ngaituana mumal neithe i talo ding ahiu.
11. Thu la gen tak leh mun khat chau en ziang mai lo in, mipite le en vel in dak vel in, chuleh zachakna leh lau thawng pum pum in thu gen kin.
12. Thugen dinga guat la hi chun, mipite tunkim man tung tei tei guat apha. Mipite kim zaw nungah lut lo da gua ham ham in.
13. Pathian thugen dinga guat ah la um ahichun, mipite dutuina mai dingin thugen lai in mi min mawk sua ziang ding ahi puai.

Matthai 6:19-20

“GO KHAWLKHAWM DAN”

~By Rev. Tongtinhang.

Central Church (D. Phailien)

Lei ah nget leh tui ek in a nek siat thei ah; guchate'n a vivan ua aguk thei nau a hin go khawlkhawm ki'u inla, van ah nget leh tui ek in anek siat theilo ah, guchate'n a vivan ua aguk theilo nau ah chun go khawlkhawm zaw un, la go umna tapo un, la lungthim uh a um ngal a (Mt. 6:19-20). Lei ah hin nek leh chak leh sil leh chente i nei a khenkhat in a thua thua'n sil leh chen, nik leh puan a chaw'u a, thingkuang dimdim in sillo chenlo in a kawi ui. Thawlawm thaw ding ahitak leh sum ka nei puai atiu a, a thaw ngai sek puau, a thaw sun uh le tawm chacha ahi sek hi. Nik leh puan, sil leh chen a kaw-iteu chu a sawt tak leh a hung ngawt sek hi. Zia Bible chang in a gen hi a dik ma ma a, go khawl dan pha zaw Jesu'n Tabore tang ah a gen hi adik mama hi.

Tuhin, etsakna dang khut ah kikheden na mabe leh khat vak gen hitiu. Jesu khawvel a keng ah khetden nau mabe ah ahung lenlai in Judate'n Kro- tawh a nak ah chei ah a sut nau ss ah a khen den ua, a nithum ka khawi masia ka taksang puai ni'n a tho kit ta, a nungzuite atia, Zia zaw nung ah chun a khenkhat kiang in a kilak a, thi- nungzui te, Thoma ngeile a um na pat ka tho kit tai atia, zia hun na'n ava kilak kit a, Thoma nang ah chun a nungzui St. Thoma, bang atia ei taksang lo la hem? Jesu nungzui pakhat chu a pang hung in la, ka khut leh ka keng pua; a lawite'n i Lalpa'u Jesu thi- leh ka nak ei khetden nau leh ei na apat a tho kit ta'n, kei uh ki- sutnau hi hung khawi in ati tai. ang in le a hung kilak hi atiu a. Zia phat chun Thoma'n Thoma chun, ka taksang puai, a ka Lalpa leh ka Pathian la hi ka

taksang tai atia. Zia phat chun Jesu'n mu ah taksangte chu a vang a pha'u atia.

Jesu van a kalto nung in a nungzuite chu chanchinpha gen dingin gam a ki hawm ua, zia a kihawp nau a chun, Thoma chu India gam a chang a. Kei a gam pau helo pa hin chanchinpha chu India mite kianga bangtia gen di ka dia aw...tia a lungkham lai in, nikhat chu India gam ah leng Gundaphorus kitipa chun, a nuai ah nasemte pakhat a In sa di hawl dingin Asia gam ah a sawl a, jia a mi sawlpa chu lawng in a chia a, Asia gam a tung ta. Lawng chawl na a ki chawl lai un, mi pakhat (zia chu Jesu ahi) a kiangin a hung a, khawi ah bang hawl ah hung la hem" atia a dawt leh, ama'n kapu leng Gundaphorus in In sa ding Mistry hawl ding ah ei sawl kahi atia.

Zia phat chun, ama chun ken mistry insak thiam kanei hi, ama chu In sa thiam, thing bawl thiam, chek leh cement hawle bawl thiam ahi atia. Jia phat chu ama chu ka daw hi atia,

ama(Jesu) inle, kuang mei lam ah Thoma um chu a kawkmua, a nusia tai. Jiaphat chun, lawngpu chun Thoma chu a ko a, nang hi la pu(Jesu) in ei chawksak la hi tan, ka pu leng Gundaphorus In sa ding ah la hung di ahi tai atia, a puita. India gam lam in ahung tung ua, leng Gundaphorus kiang ah chun ahung tau a, lengpa chu tawh a In sakna ding mun a en ua, a ngatna di lam a In dung leh vai sau dan leh letdante haw tetuak in a kiho lem tau a. Lengpa chun In sak man di sum apia a nusia tai.

Lengpa'n a nutsia jaw nung in, Thoma chun, a sum chu In sakna manglo in, mi gentheite kiangin a hawm piak a, chanchinpha genkawm in a vak vel tai. Chawmkhat jaw in lengpa chu a In chu bang tiang a tung tam ti ava et thak leh bangma cha in kisa ding amu ta puai. Jiaphat chun, Thoma chu aman a, suangkul in a khum tai. Lengpa naupa Gad le alung ana mama a, gawt thei chan ah gawt a nuam hi.

Zia hunlai tak ah chun,

Synod nuai ah pastor chuam chuamte chu ziltiltu'n apang ui.

5. VCF kochuam ve na nei:

Committee lemsakna dungzui in Delhi ah VCF kochuamte vethakna chu Upa Tualkap Sreatary(Sr) leh Rev. S.T. Kaia Vai pheite'n dt. 19th-21st September 2018 sung in a va nei ui.

6. Indian Football Academy a di'n KKP member pani ting:

The Shepherds Footbal Academy(Lamka) in Indian Football Academy(Mumbai) tawh kithua in August 28-30, 2018 sung in Lamka Public Ground ah I-League a dia U-13&15 Open Trila Selection a sainau in mi 17 te chu teldaw hui in, zia lak ahin ei kochuam sung ah KKP member pani: Mr Lamlallian s/o Upa Khomlunlal of S. Kotlian chu U-13 a di'n a ting in. Mr. Genlallemguat s/o Mr. Kaikhawkam of S.Kotlian chu U-15 di'n a ting hi. Dt. 21st September 2018 ni'n Manipur nusia in Goa a zua tau, zia ah chun October thasung chu pre-Season training nei intiu in, October thatawp lamle Mumbai zuan in kum 2 sung chu training nei ding ahui.

PAUCHAPNA" N HEZEL HITIU

**CENTRAL KHRISTIAN KHANGLAI
PAWL**

GOLDEN JUBILEE -2018.

Amun: Leilon Presbyterian Church

Ahun: 17th-21st January 2018.

Lalpa lopina ahi theina di'n pauchapna'n he
zel hitiu

KSP DIARY:

1. Kochuam upa pani'n ei beisan:

KSP sunga belampu suan um *Upa S. Doliand Capvung of Kangvai* in Dt. 30/08/2018 ni'n ei la beisan in, Dt 01/09/2018 ni'n *Upa Thongkhopau of Leisang* in ei beisan kitna chung in Presbytery in sunna programme siam ahin, kilawm takin thanmual a vuiliam ahitau.

2. KKP Nghathal in Tispari ve na nei:

Dt. 05/09/2018 ni'n Nghathal kochuam KKP in Tispari Mission Field ve na a nei un, ziana a chun Mission Filed ah matchak ding in Steel Amirah pakha ₹. 9,500/- leh Microphone pakhat thilpiakna a nei ui. Zia hun ahin Rev S.T. Kaia vaiphei Town District bialtu pastor in le a hung zui hi. Presbytery lam apatin Upa Tualkap Secretary (Sr) leh Rev. Siana Phaltual Exe. Secy. i/c M&E. tenle a uap thei ui.

3. Bible ziksuak kibelapjel:

CKKP (KSP) vaisaina nuai ah khut ah Bible ziksuak kibelap zel in September tha sung ngei ah CKKP member 6 apat in, **Nk. Lhingjoujam Chongloi** d/o Pu Khupkam of Leilon, **Nk. Neisonngak** d/o Pu Henmuanthang of Saipum, **Tv. Tonglalmuan** s/o Pu Genlal of Saipum, **Mr Lianthianlal** s/o Pu Tinzalun of Saipum, **Nk. Thiankhohoi** d/o Pu Haudam of Saipum leh **Nk Tingneikim Vaiphei** d/o Pu Seitinlal of Leilon ten khut ngei ah Bible pumpi a hung zik uh chu Office mun in CKKP Co-ordinator khut in piaklutna a hung nei u'i. Zia hun ahin Rev. Siana Phaltual Exe. Secy. i/c CKKP in Pathian kianga kipak thugena leh amau a dinga malzawl na dawt piakna a nei hi. Tutianga CKKP member Bible khut ah ziksuak mi 18 atinna ahitai.

4. Synod Bible School:

Sadar District, L. Mission Veng biakin mun in Manipur Synod vaisaina in Sinod Bible School chu Dt. 6th September 2018 ni'n ala pat uh chu Dt 20th September 2018 ni'n a zotau. Zia hun a hin District sunga nu leh pa tamtakte chu Bible thuzil in a pang un,

lengpa naupa Gad chu nasatak ah damlo in ahung thi ta, athi phat in, a thagau chu van lam ah puito in a uma, vangam ah a In ding en in vansawlchakte'n a pui uh ahileh In lianpi khat hawitak ah kisa, kisajo nailo hi a mu'n, jia In hi kua In ding ahem? ka daw na e, atia. Angelte chun, zia In hi Gundaphorus In ding ah kisa ahin, a matchak ding lei lam pat ah ahun thawt sek uh ahi, ahun thawt kit tak uh leh aban sak ding ahi atiu a. Jia phat chun, Gad chun le lei lam ah ei chia sak kit in lang, ka upa Gundaphorus kiangin kei a di'n va dawn in ka atia, ati gual ah chun, a sawl kit ua, athisa chu a hung dam kit tai.

A upa kianga chun la In ei chawk sak in, ti'n a dawn a dawn ziang tai. A upa leng Gundaphorus chun, bang In ahem a

bangma beipi bang chawk sak ding ka hem ti'n, jia phat chun aman le vangam ah la In di St. Thoma in asak piak thu chu ahil tai. Gundaphorus inle jia thu chu a hiat phat in St. Thoma suangkul ah akhum chu, a thad-awk a, Paisa ape kit a, chanchinpha gen dingin a vak sak kit tai.

Jia thu hi, Apostolte chanchin Church History bu kila daw kahi. Vangam ah go khawl ding dan etsakna Pathian thilbawl, mite hiat thei ding ah kibawl ngei ahi ti chu a kihe thei hi. Unau nangle jia Bible chang ah go khawlkhawm thu kigen hi ngaitua kit inla, tu kipat hin sum leh pai, la nei la lam chu la van go ding in khawl jaw le chin ti'n hiatsak la hi.

.....xXx.....

KOCHUAM HOTU/PUITU

- Upa S.T. Liana
Salem church

Zia thupi pawimaw leh, kultak mai; thu a hin ngai dan gen kham hina neilo ma lengle, damlai hun sung a, pawimaw le kultak khat hin ka hia, ka hiat kham tamlo cha ka hun taklang ahi.

Puitu leh kaihuaitu ti hin tampi leh lianpi a huapthei a, puitu chun ma-a kai a, achia masa ding; mi dangte lampi kawkmutu chu Puitu leh kaihuaitu ahi. Puitu leh kaihuaitu chun, a chiana lampi hia lampi zui a chia chu a hilchian dan khat ahi. Mapuitu midangte le pui theitu ahi ding. Puitu chu huang nei pha tak midangte thunun theina nei mi ahi ding. Puitu chun, midangte'n ahi nawplo, abawl nawplo bawl sak theina, bawl nawpna lungthim nei mi ahi ding ahi. Puitu chun, thil neucha le, a ngai nep mailo ding ahi. Ahi'n la, lungthima wawp dan thiam mi hi ding. Mi josia imut vuangsan nung a le lungthim chim tak nei diktak a ngaitua mi ahi ding ahi. Puitu chu mite ginchak mi, Mi ginum ahi ding ahi.

Puitu kiti, Pathian guat leh se chuam khat ahi. Midangte ngai chang tak a puihuaitu hi ding. Pawlte tawh ki thu kawp zing. A kulna mun a mi puituna

hi midangte le pesawn thiam a pawlte hechian. A mite laka zuau bawlo; nek le dawnna ding, mun a mite awng awt thiam akul le ngawl ngam; mipi ngak zo; puitu ahina ding khawtang ah gensiat kailo mi. Sum le pai a mi ginum, um chan khan chan a mi thiangtho ahi a pawimaw hi. Timothy le Titus ziaka i mu gual in, mi kisumthei, zudawnlo, khamthei chi chuam chuam lak ah ki sum thei mi ahi ding ahi.

LUNGTHIM LAM AH:

Ama ki thunun thei mi, mi za um lungthim dik, mi-lawp-thawplo; thagau lam ah, mi zilti thei mi ahi ding ahi. Bible in mi vel manglo pau kilawm he; mi nunnem, mi du-amlo, sum than-gailo, mi ahi ding ahi atia.

Ama insung thuzo mi ahi ding ahi. Nawk chinglo, mite ma a puina le thanuam taka pang sek mi ahi ding ahi. Committee pui huaina lam ah, dawisak diak neilo, dik leh thiangtho tak ah, thudik a

UPA THONGKHOPAU

CHANCHIN CHAWMKIM

(1946 - 1ST SEPT. 2018)

Upa Thongkhopau hi Pu Hentong leh Pi Vungkhoting te chapa panina: ahi. Diklang, Cachar Assam in kum 1946 in a piang hi. Kum 1968 in Baptisma Pastor Zamkai khut in a chang hi. Kum 19th August 1973 in Nu Nemneichong tawh Pastor Liankhawpau khut in ala kicheng un, chapa 3 leh chanu 3 anei ui.

Dt. 3rd Feb. 2002 in Kochuam Upa hi dingin Ordination ala chang hi. Kochuam Upa ahi kipat in tualsung kochuam in vel tam-tak Local Chairman mawpuakna ala tu, District ah Standing Committee member ala hi bep hilo in Treasurer mawpuakna a tukha ahi. Chun, KSP tiangin Standing Committee member tamvaitak ala pang kha a hi.

Upa Thongkhopau hi mi tawmngai, mithumang leh kukal ahi. Kochuam a ding ahin mi phachuam tak mai a hi.

Zia guala kochuam a dinga a kipiak zing lai ahin, Lalpa'n a kianga chawldam dinga lem a titak ziakin Dt. 1st September 2018 zan 7:30 PM in eila chawlsan tai. A luangdapsa chu kochuamte'n ngainatna liantak mai tawh biakin mun in Rev. Thanglianmang Modera-tor (KSP) in thakna nei in Rev.

S.T.Kaia Vaiphei in thanmual in vuiliamna a nei tai.

Upa Thongkhopau in ahatlai nikhua ah KSP sunga committee chuam chuam ah ala pangkhakna te :-

(i) Finance & Sub-Pastoral Committee - 2002

(ii) Sub-Pastoral Committee - 2003

(iii) Standing Committee - 2005, 2010, 2013, 2015, 2017.

Upa Thongkhopau hi thagau lam hinkhua mi lungleng mi ahin, kochuamte chu Pathian la ah chawking zingmi khat ahi. A hun nunung lam in taksa hatlona zat chuam chuam a hun nei ta, doctor thiam tamtakte'n a la enkawl maleu Pathian lemguat chu a chungahung tung in zia khawvel hi ei la nutsia santai.

...xXx...

1995, 1996, 1997, 2000, 2003
 2. Sunday School Board
 Member : 1970, 1982
 3. Education board
 member : 2010
 4. Finance Committee
 Member : 1969
 5. Joint Presbytery Com-
 mittee Member : 1975-1977
 6. Office building Com-
 mittee Member : 1977
 7. Sunday School Super-
 intendent : 1978
 8. Secretary : 1979, 1993
 9. Moderator : 1988, 1990
 10. Office Incharge: 1983-84
 11. Rev. Lalngaisang
 Speaker hina in 7th -11th Dec. 1981
 kum ah Kangvai ah Upa leh Lo-
 cal Member Camp bawl ahi lai
 in Camp Director in ala pang hi.
Manipur Synod:

Mithiam masa ahiji-
 akin Manipur Synod lam inle
 panmun pawimaw tak tak ala
 tu ahi. Synod Executve member
 kum sawttak a hi ban in, Mani-
 pur Synod a ding in PCI Assem-
 bly ah executive member 1982-
 1993 tiang a la hi ahi.

Khawtang thil ah kimatnate:

1. Zillai General Head-
 quarter President (Term ni :
 1961-1964).

2. Zillai logo, tutiang ah imat
 jing uhi ama ala siamdaw ahi.
 3. Vaiphei National Organisa-
 tion (VNO) General Headquar-
 ters President: 1964-1967.

Zia achung ah igente tilo
 ahin le khawtang thil ah pan al-
 aknate tamtak aum nalai hi.

Upa S.Doliand Capvung
 hi mifeltak leh thiango(smart)
 takah kichei jing mi ahi. Damlo
 ahilo ngal leh lupna/bench vel
 ah kimawk zam ngailo, phalbi
 lai hihenla; nipi lai hijiang leh
 le jingkal phalvak ah tho jing leh
 kisil jing mi ala hi. Khawvel gam
 ah akhualzin sung ahin, haksat-
 na tamtak tuak maleh achenna
 khua achi-anam leh gamsung
 adingin napha tamtak mangtalo
 ding ala semdawk ahi.

A hinkhua nunung lam
 ahin heart case hung nei in-
 ,Imphal ah etkawl ahi jing ahi.
 Chun, akum ahung upat dungjui
 in taksa hung hatlo tiat tiat in
 damlona jalkhun ah hun bang
 ahem chan ajal nung in 30th Au-
 gust, 2018 jinkal lam dak 3:15
 tuam in zia khawvel hi thakla
 kham ah ngai talo in; a insung-
 mi leh agualngai tamtak nusian
 kumtuang gam eila zawtsantai.

...xXx...

puitu ahi ding ahi. Mitaima leh et-
 tawntak. Committee thu passed sa,
 gen dawlo ding chi le chilo khen
 thiam.

PUITU HI HAKSATNA:

Puitu hawi chun a phu-
 lo gensiatna dawng ngeiding ahi.
 Puitu in a man a piak ding chun,
 gensiatna a thawk ding ahi. Ei mau
 Kristiante, n I zui uh lal Jesu inle
 haksatna tamtak a thuak ahi.

Thu bawzuina kawng a. Hotu chun
 thu a bawzui thiam ding ahi. Koch-
 uam sumel phatu hi utna lungthim
 bangtik lai inle nei zing mi ahi ding
 ahi. Sep leh bawl na thu a kileplo a
 ngai pawimaw mi ahi ding ahi.

**KOCHUAM HOTU KHEN
 KHAT:**

Kochuam hotu khen khat
 chu mipite'n ipla tuntun mai, Path-
 ian thu gen tam ma ma, Ama a
 ettawn ding thumal tawmtan mai.
 Kochuam khen khat vang vang
 chu, a upate'u in kochuam sum
 le pai sumangthai hi zing kawm
 in pulpita a thu gengen mai chun,
 committee member pawimaw tak
 himaleh a nasep ah a sep khaw-
 mpite'n ipla ma ma mai ti bang le
 a um thei hi.

Hun sawtdeu chiata
 chanchin khat vak gen hitiu aw.
 Presbytery khat hin pastor zil ding
 mi khat a hawl ua, Aki dawn le mi
 khat bep ahi. Interview ni ding a
 chun, a presbytery chairman pa
 chapa chu ki dawtna lekha petu

chu ahia. Apa'n a chairman na nuai
 a interview ding chu pha a sa pua,
 midang a chairman sak ah, inter-
 view chu a conduct ta'u ah. Pass
 mark a muna ding in mark khat in
 a tingzo pua. A la talo uh ahi. Aleh
 nang hi le chun bang la gen diam?
 Khanglai ka hi lai hun leh tu hun
 ka et inle, hotu gin um leh ginumlo
 kikal hi a pawimaw khawp mai hi.
 Hotu khenkhat chun a mipite di'n,
 damna le malam hawi leh lamzang
 tak in, a chiana ding lampi a zawt-
 pi'u ah. Khenkhat chun lam ch-
 uam ka hiat hi, a phai atiu ah aki
 pumkhat nalai chu aki phelsuana'n
 amang tau a, thagau gim namlo in,
 gim namsia in mi apui sek uh ahi.
 Zia haw tawbang chun hotu kaw-
 mawbawl a; chiapi hun bang a um
 thei tham ahi. A tawpna chun, thu
 diklona'n atuam vel ah, tha chawl
 tak in a lampi zawtna a su tawp ahi.
 Gamkhat hotu a kisiam, Saddam
 Hussain in Iraq gam atheina le
 a hupum in vai ahawm ah, lopi a
 kisa, chu leh hithei le a kisa. Anui
 hawk hawk a. Hiziang maleh a
 malam buai tak in ahun a tawp
 ahi. Puitu hun lemchang a um leh
 gin umna pai mang ziang hotu chu
 mipite di'n, mit sung ah kidak um
 gual in a nawp phak thei ahi.

India nam pa Mahatma
 Gandhi in puan ak sillou leh kai
 peleng kai pum in India pa hi na
 a changzo hi. Jesu'n le agen ahi,
 Taksa sil leh cheng ding sang in

kumtuang hinna a pawimaw zaw'i ati kha. Sil leh chen hawi dawi gukna ziak in. Chuleh nek va leh taitak a um ut nawpna zia kin sunggil a Pathian thagau cheng chu i su liam kha pal thei ahi.

HOTU IN A CHAN THEI:

Hotu la hina in, thilpha leh hawi ginum taka buaipu leh la sep lai in la ginchaklona lam a pat in haksatna ding hung gi thei ahi. Mosia le Pathian tawh Israel te Aigupta a sal atang lai un a pui daw ding dan ngaitua in tam veipi aki holim uh ahi. Mosia'n a huphul ma ma ziang ah, maleh van Pathian in a panpi ding dan leh a nutsialo dan ding a gen ah tak inle a musak hial ahi kha. Ziagual chun Mosia chu Pathian in amang cha Israel te chu Aigupta apat in apui daw k a. Hiziang maleh apui daw mite laka chun Mosia hawm thawna ahung lian ta. Pau mawilo pipi in ahung pau tau a. Zia gual mite khan bangma lawtinna le a tut diaklo uh ahi.

Mosia ngeile Pathian tel leh guat hi jiang maleh hotu hina'n gentheina leh haksatna gen theilo khawp a thuak ahi. Ahi ngut hi, nu fel tak khat thugen ka ngaithak hawi ka sak khat chu. Pathian na hi a sep ding lam I ha bawl ua, a zui dik ding la I ngai tua puau ah, buai na I su daw k tam un ka mu ahi, atia. Adikna atam ahi. Asem ding

ah la kisingak chun, a zui dik ding inle ki singsak hi akul takzet ahi. Hotu hina hiatmillo ding khat chu, la dikna'n mi'n hung gen se ding; thu ah hun jep ding ahiu. Zia chu, hotute chanvo ahi.

Mi'n khatvei la dik na'n a hung jep uh ahi khak in thuak inla. Nivei min ahun jep chun thuak inla, thum vei ahun jep uh chun thuak zel in. Hun jep zawm peitalo di'u ahi. Ahi'na, hotu khenkhat chun diklopi ah a dik ah kisiam, adiklona'u sel, mite a diklona'u chu piak gua a um thei hi. Potiphar zi inle, a diklona Joseph piak a gua. Ahi'nla, Jonah in vang a diklona ama ah aki bel ah buaina a fel mai ahi. Hotu nasem di'n ki maw k thalawp kin. Azui dik di'n la sungkuan ngaitua in chu leh ki thunun in, la lungthim Jesu lua dim sak masa zaw'n.

Taksa mi zia tampi puzing pum ah Jesu nungzui hilo in Jesu mi zia nei pum in, Jesu nung zui in. La tha dam ding ahi. Chun, la gentheina, la chatgana, la nuainungna'n, Pathian leh Jesu mi'n in lung gil kipak na chang in la. Amen!

.....xXx.....

ahun zokhawm hi. Zia zaw a chun Kangvai Secondary School Headmaster ahung hitai.

Cha leh te:

Upa S,Doliand Capvung hin Rev.G.R Sacckley Manipur Presbyterian Church Assembly Officer masapen khutsuina nuai in Pi Vanlalchhaungi tawh 3rd June 1960 (Pu Lallienkhum Darngawn Mualvaiphei Hausate Chanu) ala kicheng ui.

Pathian apat gilah ga malsawmna a dawnte chu zia anuai ah gual ahin :-

1. (L) Vunglianthatang
2. Nu Nemgrace (Boishi)
3. Nu Hmangaih Engzami
4. Nu Dimthiannei (Deem Melody)
5. Nu Beaulahland
6. Nu Chinmuankim

A chapa Upapen Pu Vunglianthatang hi Nu Rebeck tawh kicheng in chapa pani (2) leh chanu Pani (2) ahing ui. Amah in Bank of Baroda ah Senior Manager asepp zing lai in vangsiat um tak in 15th March 2017 in mual eila liamsan tai. A chanu panina hi tutiang ah Delhi ah sepna nei in aum zing ah, a pathumna Nu Engzami hi Pu Khaitinlian tawh kicheng in, Kangvai khuan akhawsa zing

ui. Nu Dimthiannei ahileh Pu Lamthianlal @ Lamneu tawh kicheng in Rengkai in aum ua, maleh vangsiat um takin Pu Lamneu hin mual ala liamsan tai.

Nu Beaulahland ahileh Upa Genhau tawh kichen in Compound Veng in akhawsau ah; Nu Chinmuankim ahileh Rev. Siama Phaltual tawh kicheng in Lingsiphai in a cheng ui.

Vangsiat um takin Upa S.Doliand Capvung zi Pi Vanlalchhuangi hin 20th November 2004 kum in damlona ziak in ala nusia tai. Kum 2006, Sept. 23 in Pi Khawlneihat d/o Pu Mangzadam, Lingsiphai tawh Rev. S.T Kaia khutsuina nuai in Kangvai Presbyterian Church (KSP) in ala kicheng kit ui.

Kochuam lam ah mawpuaknate:

Upa S.Doliand Capvung hi 14th March, 1982 in Rev Haukham khut in Upa Ordination ala chang hi. A lawina Kochuam ahin, bangtik lai inle khuam pawimaw tak ahi zing hi.

1. Standing Committee member: 1969, 1971, 1973, 1977, 1980, 1983, 1984,1992,

UPA S. DOLIAND CAPVUNG

CHANCHIN CHAWMKIM

5th February, 1934 – 30th August, 2018

Upa Siak Doliand Capvung hi 5th February 1934 in Kangvai khuan ala piang ah, Pastor Khaivung leh Pi Kaikhonem chate pawsal 6 leh numei 3 te lakah a pathumna ahi

Apianpi asuapite:

1. (L) Genzathang
2. (L) Chongneingai
3. (L) Upa Siak Doliand
4. (L) Thangmingen
5. (L) Vanlalvuan
6. (L) Khaikhanleh
7. (L) Soitinniing
8. (L) Lalngaiting
9. (L) Lalzakhham

A thiamzil nalam :

Upa S.Doliand Capvung hi kum 7 ahi in Kangvai LP School ah, Pu Lulkhai leh Pu Ngulthang ziltina nuai in School ala kai pan hi. Zia mun ahin, 1948 kum in Pu Kaikhogin (Ex-IFS) tawh pawl II ala zo khawm ui. A ban simzawm nuam in, pawl IV – VI hi Rengkai ICI mission School in ala zo ah; Moirang High School in pawl VII ala zo kit hi. Halflong Govt. High School in Pawl VIII 1954 kum in ala zo kit ah, Pawl IX ahileh 1955 kum in Shillong Govt. High

School in ala zo hi. A kumkit in , Pu Thianlam hotu hina nuai in Churachandpur High School ah Pawl X (Matriculation) ala zo hi. (Guwahati University Roll no. 1138, 1957).

1957 kum ma in Intermediate of Arts, DM College Imphal in ala sunzawm ah, himaleh a simzaw masang in Sarampore College ah Pre BD. Course ala simsan kit hi. Insung buaina ziakin zia BD course chule zo man kitlo in, 1958 kum in Kangvai ME School al hawng pan hi. 1960 kum in zia ME school chu Pawl VIII (Class VIII) chan in ala upgrade hi. Zia a school phudaw hi, siampiting jel na dingah theitawp sua pan alak zing lai in, Manipur Govt., in 1966 kum in full fledge High School in a puang tai. Headmaster dingah athiamna'n atitlo ziakin lekha sim tawh kawpto zel in, 1968 kum in BA ahun zo ah, chuleh 1977 kum in MA leh B.Ed

LA NU LEH LA PA THU AWI IN LA, ZÂ LE ZÂ IN.

~ Pu. S. Kapbawi Vaiphei

Dy. Commandant CISF. Delhi

“Naupang te haw Lalpa a chun la nu leh pa teu thu zawm un zia chu thil dik ahi. La nu leh pa chawihawi/za in zia chu thupiak tiam nei masak pen ahi”. ~ Ephasa 6:1.

Sawlchak Paul in Zi leh Pawsal mawpuakna haw le ala gen ah, zia tak ahin chate mawpuakna a gen kit ahi. Thil khat a kichian mama um chuh ama hun lai ahinle mi Zi ahina ah a mawpuakna helo, mi Pawsal ahina ah a mawpuakna helo, cha hi ngal nu le pa thu manglo leh zalo a um ui ti hi ahi. TULAI AHIN CHU A UM BEP HILO IN A TAM MAMA ZIANG TAI.

Sapte pau achun **“Chil-dren....”** aki tia, ei pau achun **“Naupangte”** iti ahi. Zia tak ah **“Children”** kimang hi Greek pau ah **teknia (little children/naupangte)** hilo in teknon zawk ahi atiu ahi. **Teknon chu “offspring” (chate/suan leh pak te)** tina ahi. Sawlchak Paul in lekha a thawt hi naupang neute bangma he famkim nailote kiangah a thawt hilo in, khaw heta, a sim thei ta leh a hethiam thei ta ding te kiangah a thawt ahi. Zia zia achun zia Bible chang hi nu leh

pa nei ta phawt te a ding ah ki-gen ahi zawi. **“Lalpa ah chun....”** ati khel khel kit ahi. I Nu leh Pa thu chu Pathian thu imat gual ah I mat ding ahi dan a genna ahi.

“Naupangte haw..” iti zia kua hin Naupang Sunday School ah kai nalai te a ding bep ah ngai kha le ihi diam uh aw ti bang ngaituana a um sek hi. A zia chu tulai dinmun hi I et leh neulai (sia leh pha I hiat masang) in nu leh pa thu awina leh zana a lian zaw, I hung lian deu

deu ah, sia leh apha I hung hiat deu deu uleh nu le pa thu awina leh zana tawm deu deu abang ta ahi.

“Ka neulai ah ka lawite tawh ka Pa hat pen, ka pa’n zia kha nei, zia chu nei ka tiu ah, Pa hatzaw, hangsan zaw, thiam zaw nei hi ding ka kichu sek ui. Zia lai akha ka Pa chu ka “Hero” ala hia. Ka nu leh ka pa’n bang gual tiangah ei lungsiat ahiu em, bang gual tiangah ei khawtua ahiu em ti ka hiat thei masangin le ka nu leh ka Pa chu ka HERO ala hiiu ahi. A lungsiat nau ka hiat mumallo lai in ka Nu ahem ka Pa ahem in ei sawl leh le ka nial ngam pua, ei gai uh leh le ka lau mama ahi. Amau chu mi dangte nu Leh pa sangah hatzaw, pilzaw leh thiam zaw in kala kawi ah ka lung ala awi mama ahi.

Ka hung let deu phat in ka khua hiatna a hung tam deu deu ah, ka nu leh pa’n gaw nuai dai nuai ah gim leh chawl takah nek leh chak, sum leh pai hawl ah haksa takah school ei la kai sak na zalun lekha ka hung simto ah, ka hiatna a hung kibelap to zel

ta. Ka nu leh pa lekha simtheilo chu ka hung sim maw ta. Ka neu deu lai ah pil kasak pen, ching kasak pen te kha mawlpen ka hung sa ta. Ni dang ah ka ‘Hero’ te kha tuhin “Zia chu le hialo, zia khale hialo tu chan chan..”, “la ngawl ngawl tawh” ka tia ka ho pet pet pan ta ahi. Ka nu leh pa chula a kisang le hilo bang atia tuhi ngawl kasak ziang adia aw? Kei school ei kai sak ua lekha ka hung thiam leh amau hi ngawl leh mawl kasak ziang ahi em leh? Ei gai uh lehle ka lau ta pua. Ei sawl uh lehle ka chia nuam ta puai. Zia chu bang atia hi thei ding ahem, kei ka hung lian deu ta, ka hung pil thei deu ta, ka nu leh pa haksatna leh ei lungsiat nau ka hung hiat thei deu deu leh bang atia ken simmaw deudeu thei ding ka hi em? Ka lungsiat deudeu ding zawk hilo ahem maw? Ngawl tak chu ka hi. Nangin le ngawl lei sak leh la nu leh pa la HERO in ala kawi zing nalai ah.

Zi leh cha kahung nei nung a chun la aw ka cha chu ka lungsiat mama ziang get hi. Ken

OBITUARY



UPA S. DOLIAND CAPVUNG

5th February, 1934 – 30th August, 2018

Puitu muan um eh ettawn tak Khuga Sadar Presbytery leh I gam leh nam a dinga le kingakna ting, Upa S. Doliand Capvung of Kangvai in Dt. 30th August 2018 (Ningani) in a hepi a insungmite leh kochuamte nusia ah, ana asepiak Lalpa kiang in eila chawlsan tak mai hi kochuam te a dingin manna liantak ahin, nasatak in i sun uh a hi. A nusia insungmite josia Lalpa’n umpi in thamuan jing ta hen.

OBITUARY



UPA THONGKHOPAU (72)

(1946 - 1st SEPT. 2018)

Khrista leh a gam a dinga i sep khawmppiu Upa Thongkhopau of Leisang in zia khawvel lungkhamna leh gentheina tin cheng hi thuak-talo ding in Dt. 1st September 2018 ni’n Lalpa kianglam eila zawtsan masatai. Anusia a ji, a cha leh insung mite Lalpan umpi zing ta hen.

nite chu siatni ahi. Phatni ahileh vang molawp ni, Exam result pha dawn ni leh thildang tampi gending um in a. A bang chu hileh, mihinte'n zia haw hun hi i tuak phat tak ua le Khristian hindan pha chu ginna i unaupite chung a i suklat ding chu ahi.

Siatni leh phatni ah 'Khristian hindan pha' i suklat zel ding uh hinapi'n i bawl theilo uh a bang sek hi. Sum leh pai haksat damlo ve ngaite bang i ve ngai pua'u. I bawlthei ngailona zia uh chu a chuam chuam le um in a, ahinla, gingtute'n i bawlwawk ding chu thilpiak ding i neilo hun a le eima taksa va kilat a, i thawkpi dante va suklat kha a pawimaw zaw ahi. Siatni leh phatni hun ah kithawkpai, kipakpi leh ki-uaptua hi bawl ngei ngei ding thil ahi. Mihausa a hiziak ua va ha uap ding ahi pua, migenthehi ahi zia uh va tawnawl ding le a hi chuam puai.

Khristian hindan pha leh nek hawl na:

Mihing in nisin ah i pawimaw zing chu nek leh chak, sil leh chen hi ahin, ziate haw hi ngaitualo theilo ahi zing hi. Nisin i pawimawte muna ding ahin

sep leh bawl a pawimaw zing hi. Nek leh chak muna ding ahin i sep dan chu zat chuam chuam hintin, a haksatna leh nawpna le um ding ahi. A bang hile i sep chiat uh chu kizapilo ah kipak taka sep ding chu ahi. Gingtute'n i nek hawl na leh muna hinapi'n gin um taka sep peina hi i nei tawm uh a bang sek hi. Zia chun gingtu i hina a susia, midangte'n eimau apat Khrista mel a muding uh chu liatu in a pangsek hi.

Khaileh! Khristian hindan pha hawi tak mai a i zuitheina ding ua chun a tena hawitak mai chu Bible hi ahin, i nisin hindanteu chu Bible tawh a kituak zing a pawimaw ahi. La phuaktu khat in a agen gual in, midangte'n i nisin hinkhua matdanteu hi ei thil zing leh ei sim zing ahiu hi. Pathian leh midangte masanga gingtu dik leh pha i hitheina ding in Bible hi limet a mang zing thei leu hin gingtu pha hi ding i hui.

Lalpan simtute zosia malzawl ta hen!

.....xXx.....

ka cha ka lungsiat gual ahin keile ka nu leh pan eila lungsiat hiding ahia aw ka ti sek sam hi. Keile piting hita, mi 'Pa' khat hita. Ka chate'n ka thu a awi dinguh dawi, ei za ding ule dawi baw. Hiatthiamna lam ale piting deu deu. Thilpha leh thil sia le hechian mama ta. Ahinla bangin ei bawl ahi diam ka neulai ah ka nu leh pa thu mang mama, lau mama pa kha ka hung let deu leh athuu' matnawplo leh lau taklo bep hilo in amau ka thu thu a mat dinguh ka hung dawi ah, ka ut dan dan in ka sawl vel ah, kei ei lau in a hinkhuau a mang zaw tau ahi. Ka neulai ah ka za mama dinmun sang takah kala kaw, ka 'HERO' te kha a hung tek deu deu ua, keile ka hung piting deu deu leh 'SUAK' gualin dinmun niam pen in ka hung kaw ta ahi".

Zia takah a nu leh pa thu gen pa gual ah hinkhua mang kha/mang nalai bang zat I um uh em? Numei naupang, nungak tangval te bep hilo in tek vang hialta hilehle nu leh

pa nei nalai te le ka gen na ahi. Zia pa gual ahi hinkhua mang nalai I um khak uh ahi chun ki ngaitua thak kit hitiu. Tulai ahin chu Nu leh Pa lekha thiam nei tampi I um bep uh hilo in nu leh pa phak chan pha zolo le tampi I um tau ahi. Ahinla nu leh pa ching leh thiam zaw ah ngaina leh thumatna mai hilo ah, lunggil takah zana pethei leh thupitak ah kaw thei cha I tawm mamau ahi. Nu leh Pa thu awi bep hilo in Chawihawi/za dingin le thupiak ihi nalai ui. Ahinla thu awina neilo mi chun chawihawina a piak chu thil hithei ahi puai. Zia takah chawihawina ki gen hi pakcha vui awsak ding tina ahi pua, lunggil takah Nu leh Pa 'Lul' tak leh 'Thupi' tak ah kawina ahi zawi. Pakcha vui aw sak ah kichai ziang ding hileh chu Bazaar ah va chawak vak ziang ding ahi. I neulai ah HERO I let phat ah ZERO ah kaw cha ihi chun I Nu leh Pa chu I chawihawi puai tina ahi.

America ah Pastor khat Warren Wiersbe chun hiti hin

ala ti ahi, zia Bible chang hi tulai dinmun tawh kituak ding achun, **“Nu leh pate haw la chateu thu awi un chutichun la chate kipak intin uh la insung in chamna um inah”** ti hi ding ahi ati hial ahi. Nu leh pa te'n chate thu a awi ngai ziang ta chu a khaw ta hilo maw le. Nu leh pa thu awi leh za ding hi Pathian in a thupi ngai mama ahi. Pawtdawna Bu (Exodus) 21:15,17 a chun, **“Kua le a Nu ahem a Pa ahem vaw taphawt/ hansiaw law khum taphot chu tha ngei ngei ding ahi”** ala ti ahi. Nangin la ngaidan sang le chin le, Pathian in a sang diak puai, A thu chu a ngai ngai ahia, la nu leh pa thu zawmin lah za le za in ati chu ahi zing nalai ahi. Nu leh Pa thumat chu thil dik ahia, zia thil dik chu bawl dingah thupiak ihu. Zia chu I bawl theilo ahi leh vang Biakin ate, khawtang ate, Kochuam sung ate thivang vangin ka pang hi ti leu hin le bang ma ga sua lo ding ihu. A lek tung gual in kingai leuhin le a bul pandik thei nailo phawt chu hi ding ihu. Nu leh pa thunial ngai keilo, hilehle bangma ngai diaklo ti le um thei ahi.

Thumatna tawh chawihawina (lul/thupi tak ah kawina) a chia khawm zinglo leh a bukimlo ahi. I Pastor dawm um tak uh Rev. H.L.Vena in a gen dik kasak leh ka lungthim eila khawimama khat chu ahi leh, “I nu leh pateu leh teksia te hi I lungsiat ding gual takua I lungsiatlo ziakun a dam sawt ding gual uadam zolo hinau, lungsiat takin enkawl hitiu...” ati hi ahi. Mosikha Pathian in A mi Israel te Aigupta apat puidawk dingah a sawl lai in thi ding khawp ah natna'n a gawt ta mai ahi. Chapa zektan dingah Pathian thupiak chu Zipporah tawh a chau Eliezer chungah a bawl phatun damna ahung nei kit ah Israel te Aigupta apat puidawna na chu a sunzawm thei bep ahi (EXODUS 4:24-26). Ki ngaitua thak hitin uh nu leh pa nei nalai zosia te'n I Nu leh Pa teu LUNGSIAT hitin uh, a thuu' AWI hitin uh, CHAWIHAWI thak hitiu. Zia Pathian thupiak hi I insung chiat ua I sukpitin phat uleh A Lalgam na sem dingah kal suantaak hi bep ding ihu. Lalpa'n a thumalsawm taken.

.....xXx.....

huna le ahi pangai guala gel in thupi talua i gel uh um theitalo a bang hi. Khristian i hina ziaka hin mite muthei zing dinga hindan pha hi suklat zing a pawimaw ahi.

Khawtang hindan a le pi leh pute pat ah go lul tak guala i la kineisakpi ma ma jiang uh chu 'tawmngaina' hi ahi. Tawmngaina hin a huap lian mama jiang hi. Pu. Lalbiaknema chun tawmngaina hi ti hin ala gen hi. **“Chawihawi leh pakchak kinepna neilo a, mimal leh khawtang ah panpi ngaite panpi, ama genthei khawksalo ah midangte navakna ding ah kipiak hi 'tawmngaina' kitite laka pakhat ahi”** ti'n a gen hi.

Tawmngaina hin than chaw, mithi khawvakpi, mi vanpuak gik puakpi, damlo zan hapi, panpi ngaite panpina nasep haw hi ahi. Khang masa, pi leh pute chu ginglotu a la himaleu khua leh vengte panpina leh phatchuamna ding in theitawp in tawmngaina a la sua sek u'i. A langkhat lam in pi leh pute hindan hi Bible tawh le a kituak mama hi. Bible in, **“Kipakte chu kipakpiu inla, kapte chu**

kâ piu in.” (Rom 12:15) ati ahi. Himaleh, tulai kochuamte hin ziagual tawmngaina hi i tasam zotau. A ha bawl pen dingte himaleu hin gingtu i hinau hin bangma tiang ei tutlo a bang hi.

Khawtang hindan ahin siam dik ding tam tak a um hi. Sanga upa zawte ho dan leh ko dante a hin le kisiam dikna ding a um hi. Ki kodan hawitak mi i neite'u; Û, pi, pu ni, gang, nu, pa tite hi i nam golul mama khat le ahi. Ziagual ki ko dante hi kimgainatna leh ki zâna le ahi bawkihi. Ahinla, tulai khangthakte laka hin zia guala ki kodan leh kizâna paukamte hi a mangtiat tiat tai. Ahina taka chun, lungthim a chapona ziaka paukam kilawm le zui peilo i hitau ahi. Khristian min putu hijiang maleu hin hindan pha i suadaw theilona'u hi sunggil lama chapona zia ahia, Khrista lungthim i putlona'u ahijel hi. Khrista lungthim puthei nailo gingtu khat chu ngaitua um tak chu ahi.

Mihingte hin siatni leh phatni hi tuaklo theilo i hui a. Siatni hin thini, damlo ni leh haksana chuam chuam i tuak-

ahitau em ti chu genchian theit-alo male hin, gingu masate hun lai apat chu mat pan ahitai, ti a hiatthei hi. Khristian masate chun chanchinpha hung kipat-na Mizo gam ah kochuamte bawldan entawn in beigual hi ala mangpan tau a, zia chu zuito pek in tutianga kochuamte hin le i chiapi zing tau ahi.

Khristian hindan pha leh Beigual.

Gingu masate'n Beigual a la ngaikhawkna ziaq uh leh a hung kipat dan dinga gingchak um chu; Khristian masate chun Khrista hukdamna chanchinpha helo leh pawm nuamlo a zu leh sa limpi a khawvel hinkhua mangzing, a khua leh vengte'u chu ngaituana in chanchinpha genna hun dinga a hun patdaw uh hiding in gingchak a um hi. Zia hunlai ahin gingu lchu tawmcha hinalai ding ahiu a, himaleh, Lalpa a dinga hangsan taka pang in pan alau a, tichun khawsung ah chanchinpha chu mimal leh insuan ah chanchinpha genna hun a nei sek u'i. Zi-achun, gasua jel in gingu lchu hung kibelapto zel in a um ahi. Khang masate pan lakna zala

chun tuni hin nang leh kei hi Khristian i hithei chau ahi.

Ziagual achun, gingu masate chun panlakna nei in gingu lchu kochuam ah min khum sakte, zu leh sa, daw'i um leh kithawina van matchakte haw chu paimang sakin gingu in a hun siamthei uh ahi. Tunin ei uh gingu lchu hin pi leh pute sulnung zui sepding tamtak mai beigual tha ahin i nei ui ti a hi-atthei hi.

Tuchung beigual a khan i kochuam chanpi, ala basam-tate chu halthakna a neina ding un banggual in panlakna i nei nau em le? Kum 2018 September Beigual tha chu chia liam-ta maleh beigual in a tuppen 'hatlote sukhata nasep' chu i bawljel ding ahi. Beigual thupi "Khristian Hindan pha" leh beigual in a tup hi kizuito pek ahi.

Khristian hindanpha leh Khawtang hinkhua:

Tulai Khristian gamte hi i thilvel ahi chun a se zotai ti hi mit ah i mu leh bil ah i hiatzing chu ahi tai. Khristiante lak inle a phalo leh kilawmlo, Khristian hindan tawh kituaklo thil a tung

HEPINA HI THIL PIAK LAKA CHUNGNUNG PEN AHI!

~ T.Upa Haulallawm
S.Kotlian

I KSP in a nei sun DAMNA AW tia kimin vua a monthly magazine ah article ziaq ding a kaki singsak lai in thu tamtak ka lungthim in a hung kilang a. A hin HEPINA thu hin lungthim a sukha mama ziang hi. A thupi khawp mai a, hepina hi mihing kam le pentui mai a ziaq gual le a hilo a hi. I Bible in le a chuang tam mama ziang hi. I Lalpa JESU KRISTA in hepina ziaqin khawvel hi a hun zota ahi. Tunin a ma keng nung zuite'n le zia hepina thusan leh jui hi i mawpuak ahi. Bible:- 1 Korinth 13:3-4- "Ka thil nei zosia pezo kei in, ka taksa le pedawk ziang maleng, hepina ka neilo chun bangma ka lawkpi puai . Hepina chun a dawthei in; hepina chu a ngilnei in; hepina chun a thangse puai'n: a ki pakcha puai'n: hepina chu a kisathei puai."

A chung a Bible chang a pat hin hepina gate i muthei ahi. Bang ziaq a kimudanate , kithangsiante, ki itsik nate chule ki muda, kisimmawte hin khawvel hi lua dim ata diam? Unau hepina hi a dai tak ziaq ahi. Khawitak hile hepina a um chun a nuam a hi phawt mai hi. Insung, Kochuam chuleh nam kal buaina zosia hi hepina a umlo ziaq a hi. Romte 13: 8 na chun hiti hin a gen a hi, " Ki hepituana beplo kuama thil ba

kiu in: midang hepitu chun dan chu a hi'bukim a hi." Tunin hin i taksa suapiu khat khamthei a tumtang ding umta le bang la ti diam? Hepina lo chun zolo ding la hi. Mawl leh khuttum manga la thunun guat ahi chun thangtawm intin thunun sang in su thangtawm zawdi la hi. A hinla la hepina aw nem tak tawh la puaknatna kha hetthiam sak le chun thunun zoding la hi.

Hepina neite'n kuaman tual a that puan, a eng pua, ama

a kihepi guala a vengte a hepi sek ahi. A vengte ama guala hepi pa chu a vengte tawh kina ngai ngailo di a hiu. A nawptu-ak hilo maw suapi? Hepina leh nasep pha ah kitilhat in, kik-hawk saktua chiat hitiu. Hepina neilo te'n midang a pat kinepna tampi a la nei sek ui. Michapo chun hepina a nei puai ti kichian tak in muthei ahi. Hepina la neilo chun bangt'n la invengpa hung heksiatna la ngaidam thei diam? Zia hepina hi ahi i LALPA JESU KRISTA'N "Kross thu chu mangthaite a d'n ngawluhuai ahi ati chu".

Hepina chu a kisathei puai tile i Bible in i mukit hi. Mosia chun Israelte Aigupta a pat hung puidawk in, haksatna tamtak a hung thawk mualsua nung un a hung chapo khata. Thil da umtak khat chu 'KA' ti kampau a hung mat khak tak ziakin Pathian a chung in a lungawi talo ahi. Kanan gam, Pathian in a tiam piak, chu a tung talo ahi. Tuni hin ei le chapona hinkhua mang zing i hi chun danle i tunna di gam hi tungzo-

lo khaitiu.

Awle hepina chu zia gual lawma pawimaw a hitak le bangti'n i neithei ta diam uh le? Mihing phatna nei di'n vang a awmlo a hi phawt mai hi. Hepina ziaka a chapa changkhat le itlo a, ei hung pepa kianga i hawl a ngaita ahi. A ma apat zia hepina thagau chu i neilo a hi chun mihing phat na'n vang zawdi gual vang ahilo a hi. En vang taksa i nu-le-pa leh suapi- sanggamte sanga midangte hepi chu thil hitheilo gualin i ngaikha sek hi. Jesu chu a nungzuite'n la suapite a hung ui tia, a nungzuite'n a hung hillai ua khan hiti hin ala dawnhu tawp a hi "kuale ka pa van ah um dawigual bawl tapote chu ka suapi a hi," ti' a dawnhu ahi. Tuni hin Jesu suapi ihi theina di'n pa dawiguai i bawl a ngai ahi.

.....xXx.....

KHRISTIAN HINDAN PHA A ZUITU HI DING IN AW!

~ Rev. Siam Phaltual

Kum leh tha, hun leh phatte chiajel in Pathian hepina zal in Khristian masa, pi leh pute apat Beigual tha i la matsek uh September chu i mangzo tau a, ei puitu Pathian chu lopina chang ta hen! Beigual tha ah i zillai uh "Khristian Hindan pha" i lawkpi ngei ding uh chu kinep a um a, tuchung ahin le vak nungthil kit nalai leu hin duthusam a um khawpmai hi.

Kum sin in kochuamte'n Beigual hun ahin thupi zillai i la nei zing sek un, zia gual ah chun kum 2018 ahin le zillai thupi ding in 'Khristian hindan pha' i ziltau a. 'Khristian hindan pha' (Christian Ethics) hi gingtute a ding bep a pawimaw ahipua; khawvel ah mi zosia a dinga pawimaw leh kul chu ahi. Kochuamte'n 'Khristian hindan pha' hi tuchung Beigual tha ah i zildante'u kha nungthil kit leu hin i lawkpi danteu chu hethiam chiat mai ding in gingchak a um hi

"Khristian hindan pha" hi kochuam siamphat nunglam a hung kipan ahia "Hindan pha" tawh kibatlona liantak anei a, mithiamte'n hilchian dan chuam chuam ala piau hi. K.C.

Abraham chun "*Zilna bak pakhat thil hi dan ding kaihuaitu leh thil dik leh diklo tena leh hiatthiamna ding ah tena kung siam piaktu ahi*", a la ti. L.S. Keyser chun "*Ngaituana chim leh Bible vak apat ah thil dik leh diklo hiatna kingakna ding ah zilna a hi*" ati kit hi. Hiatthiam bailam pen ding in mihing in i hinkhua mat zinglai ahin bangpen chu a dik ahi em, diklo? Bible in bang a gen em? ti'n kisut zing leu hin Khristian hindan pha in a dawih leh tup chu zui kha pen ding in gingchak a um hi.

Awleh! Kum 2018 a dinggin Beigual tha chu i mangzo kit tau a. Beigual hi gingtute bangtik hun lai apat mang pan

zawlk lunggil bung 5(nga) te hin a tuam khum uh ahia, mit-thum, tawitheilo ah Pathian in ala dinsa kha melma diabol/setan in Eden huan a zia lunggil bung 5(nga) te hi ala (captured) tundin kit uh ahi tak ziakin leh, hinna sungnung thagau hi amit a sukthum piak a, tawi theitalo ah a thi gual mai ah lunggil tâk tak mai bung 5 te hi a tuam khum ahi tak ziakin, Khrista Kross thilhitheina ngei ah zia lunggil a tuamtu 5 te hi sukmuat, sukmanthai ahi zaw phat tak leh, hinna sungnung thagau pen hi hung hingkit in, amit hung vak intin Khrista ngei a chun suk hin in hung um ding a hi.

Ziaphat tak chuleh i taksau leh i lunggil uh Diabol/Setan museum, lunggil bung 5 te a kawina munpi kha Khrista Jesu ah san danglam ahung hi phat uh leh I thagau uh leh i lunggil uh leh i taksau chu Pathian hing(Temple) Biakin/pauchapna in hung hi tan tin; Gal.5:22,23 ah thagau ga hepi-na, kipakna, thamuanna, daw-

theina, nunnemna, phatna, ginumna, thunuaigawlna leh kisumtheina, zia thagau ga pakua(9) te sia hin Khrista thagau zal bep in i lunggil uh bung 5te a khan ga hun sua chiat ta ding ahiu hi.

Ziaziaakachun, Unau la lunggil **hung 4te kha** Lalpa Jesu'n tu mama hin ei pian ti in Kross chungah banzak in ahun ko zing ahi. I thagau, i lunggil leh i taksau a ma tawh kitimat/kipawl kit thei ngei ah, thagau ah piangthak ah, cha lutil, van ah min khumte lak ah pang, thagau ah gasua thei ding ah Pathian thagau in a chenchil leh matchak zing thei i hung hi chiat thei ngei na ding un mawltak leh kimlo tak ah i gendawte'u Lalpa'n a lopina ding bep ah mangin malzawl ta hen.

.....xXx.....

KHRISTA GINNA ZIAK AH LUNGAWINA

~ T/Upa LM Vaiphei, S. Munnuam

La ginna ahin lungawi zo in la ki he n'am? Lungawi zo ah ki helo i hiu chun i gin uh Khrista hi he'chian zo tak tak lo hi'ngei hitiu ti hi taksan umtak hi.

Stephen suang ah a se lâi ua khan, ama lam ki'itchâkna him him paukam a pawt pua, ama hêksiatna zia ah suang ah selup gawte kiangah chun, vân kot kihawng amu thu leh Pathian changlam ah ding Jesu amu dan chu thanuam tak in a vak gen tamai ahi. Bang zia ah ama kivên nopna lungthim um lo ziang a hi ta diam maw! Bang zia ah ama tha gawte apat suachât theina lampi guanggal lo mai ahi ta diam? Thupi ka sa mama ziang hi.

Khrista zia ah thuak ahi zia a kihiat zia in, mihing dân gual ah thawkna natzia chu ama apat lâkdaw khat le hita'ngei ding ahi. Khrista a muchianna zia in a thuak ngam in, a ginna chu lauthawn ziang theina mun ah sukdet in aum a, thi tiang in a thuak mualsua ta ahi. Khrista

a ginna kha lungawina ah mang theilo in lunggel vanglak tak in a la um zing hileh vang, ziagual thawkna kha kilakna mukawm ah a thawk mualsuapi ding taksan aum lo ahi.

Ngaituana gilo leh thutak neilo mite lak ah chun kinialnate a um sek ah, amau chun Pathian ngaisak hi lawkna ding bep in a ngaituau hi. Lungawina tawh kithua ah Pathian ngaisakna hi lawkna thupi tak chu vang ahi him hi; 1 TIMOTHY 6:5 - 6.

I gin Khrista zia ah lungawina tak tak le nei diak lo ah, mani lawkna ding bep ngaitua zia ah Pathian ngaisak i hi ziang thei ui. A thilhitheina bep ngainatna zia ah a la zuan tamtak le a la um ngei ui ti imu him uh ahi. Tuni hin, i Pathian ngaisakna hi lawkna ding mai a

hi'ding ahi pua, lungawina tawh kithua ngêl a hi a pawimaw mama hi.

Mi hausa khat chun lawm a gawita, a lawm gawite lak ah a dawisak chuam, ngaituana diklo tak ah a kikawmtuapi theite chu dawisak chuam in a sep man chu midangte sâng in a petam zaw sek hi. Himaleh, diklo tak ah a hawlkhawmnate zia chun hêksiat in a umta, su-angkul ah khum in aum tamai ahi. Bawlthei tak ah a kilat lâi ah ama lam ah pan nuam, mani lawkna mai ngaituana zia ah a thilphalo bawlna kikopvâipi sek tu chu, lawkna del ah mi hausapa bêltu a hi zia in ama chule suangkul ah khum ding ah mat in aum kit ta ahi. Nikhat chu suangkul apat a hung pawtdawk gêl tau in, a nasep na'u ah pankhawm kit ding lunggel vang a nei tapuau hi. Aziak-chu, lawkna del mai ah kilawfa tu zia ah mi hausapa chu suangkul ah tâng in a kigel a, du-âmna zia ah lawkna hawltu chun le mi hausapa diklo zia ah suangkul a hi zia a ki hiat

zia in a kivopthei tapuau in, a kingainat na'u chu aum ta lo mai ahi.

Zia chanchin apat i genlat nuam pên chu, "lawkna del ah mi hausa bêltu chule a lawting sawt diak puai" ti hi ahi. Zia chu ahileh, lungawina tawh kithua ah i bel ngam ding kua aum em ti hi hawlchil ten a ngai ta ahi. Khrista la ginna in la muang ngam tak tak nam? Ahiloleh, kumtuang hinna i chan theina ding ua thupiak tamtak i dawn teu hin kumtuang hintawplona gam chu ei tut zo tak tak na diam ti i ngaitua chian nau em? A thilhitheinate bep ngainatna zia ah ama zuitu ihiu chun vang kilik kit ngei hitiu ti taksan aum hi. Ahi'n, i gitlona zia ua i thi sik ua hung thi ah, i gitlona vawm pên uh le a hepina thisan ah sawpthiang tu ahia, ama zia ah thiamlona apat thiamchang ding i hi tau ti i pawm chun, i ginnau ahin kilîng ta lo ding ah thagau ah i kiphudet uh a ngai ta ahi. Ama zia in i kipâk thei tau a, ama

THAGAU AH GASUANA DING IN TAKSA HINNA(LUNGGIL) THAGAU TUAMTU SUKMANTHAI/SUKMUAT A KUL HI.

~ T.Upa Singzalian
S.Kotlian P.C

“Kuanle ama hinna ding bep a ngaitua chun chên intin, kuale keima leh chanchinpha(Khrista) zia ah a hinna chên chun humbit in a” John 12:24, 25.

Zia a chung ah i Bible thumal ua pat ahin mihing hinna hi thua ni(2) a kilang ngei hi ti hi hiat masak a pawimaw hi. Zia a nuai ah gual ahin vak taklang masa'i tiu.

(i) Chên ngeingei ding ah a gen hi taksa hinna (lunggil) hi ahi.
(ii) Humbit ngeingei ding ah a gen lunggil sung ah um thagau hi ahi.

Chuleh, zia a chung ah i Bible chang in chên ngei ding a ei thupiak lunggil iti tâk uh hin bûng/bâk 5 anei ah, zia te chu :-

- (i) Ngaituana
 - (ii) Sia leh Pha hiatna
 - (iii) Dawitelna
 - (iv) Tupna leh
 - (v) Phulnate hi ahiu.
- Unau dawitakte haw,

chên khak ding i lau uh leh i kichak ma ma'u lunggil bûng 5(nga) te hi ahiu Khrista Kross ah kilden ah sukmanthai leh sukmuat ngeingei dinga Lalpa'n ei thupiak chu. I Lalpa'u Jesu Khrista ngei khanle, a tisami hina, taksa hinna bûng 5(nga)te kha khekchak nei keilo in Kross a khan a kilden a sumangthai ta ahi kha. Zia gual ngei a chun eimau tisami ah umte haw hin le zia i lunggil uh bûng 5(nga) teu hi Khrista Kross ngei ah chu i kilden/khetden ua i sukmuat i sukmanthai ngei ngei ding ua i Bible chang têt un thu ei piak ahi.

A zia chun hinna sungnung humbit ngei ngei ding thagau pen hi hinna pawnung

na dinga abul pipen ahi. Kadam sunga ka chung a mi adamlai ho a dinga jana le ngailut thilpeh kabol thei ho (1) Upa Doliand Capvung of Kangvai Village (2) Rev. Haokham Vaiphei of Mualkot Village (3) Rev. Zathanga of Mualvaiphei Village and Rev. B. Lalhuna of New Bazar Lamka hohi ahiuve.

Presbyterian Church a keima chung a/senior ho jana kabol thei hi kei ding a Pathen in vang hoitah eipehna ding in kagele.

(1) KEI CHUNGA SENIOR HO JANA KABOLPEH HO:

KCC : Pu T.Lunkim Christian Ministry Diamond Jubilee 1952 Kuki Christian Circle Conference (1952-2012) = 60years Christian Church DINKHOM 3rd March 1983-2013=30years

DIAMOND JUBILEE -

(i) Samul Saipikhup = 1

(ii) GOLD BRUSH MEMENTO on 03/03/2013 at Songpijang Christian Church/KCC Assam

Dr. William Carey(Title) Bible Translation Kuki& Meitei.

(2) KBC : Pu Rev. Seikholet Singson (1923-2017 = 94years) Christian Pastoral Ministry 1957-2017=60years Diamond Jubilee

(i) Samul Saipikhup-1 Rs. 60 Pastor kum sim 60years

(ii) Diamond Jubilee at Bongmol Village, Kangpokpi District Manipur MEMENTO-1 on 12/01/2017 at 74th Birth Day of Rev. Ngulkhongam Lhungdim (1943-2017)=74 years.

.....xXx.....

ziak ma in kinepna hing chu i nei tau ahi.

Lungawina panglo ah Pathian ngaisakna aum thei hi; zia chu, mani lawk hawl na chu ahi. Ei hepina thu hih thupi talua ahi; zia hepina thupi tak changtu i hina zia kah lungawi mama kawm in Pathian ngaisak hitiu, zia chu lawkna thugil tak ahi zia Sawlchak Paul in a hia, Timothi kiang ah a lek hawt na chun a la gendawk tamai ahi.

Lungnat ching gingu chu a kilawm puai. Ginna mumal neilo, kinepna hing neilo te chun lungnat a ching zaw sek uh ahi. Ei uh vang, Khrista zia in i kipak ua, i lungawi uh ahi. Lungnatna mel ah gualpha i siamtheilo lai un, Khrista hepina zia ah thagau piak ah ium un, zia thagau zia chun gualpha kisiam pek kawm in khawpi thak zuan in i chia zel uh ahi.

Unaute, i gin uh Khrista ahin muang den ta ding ah lunggil thupukna i siam chiat tau ahi. Ziakiachun, awimawna la chan hun um intin, gensiatna tawh la kituak phut ziang

hunle tung intin, neilo haksatna zia ah i beidawn ngawi ngawi hunuh le hung tung sek ina. Himaleh, khualzin mai i hinalai ua, khawpi det kumtuang i Inmun ding uh tung nailo ihu ti he'zing kawm in lungawina kipia in, hatlak leh hangsan tak in i thugin uh machalpi zel hitiu.

Lungawina neilo kawm kawm ah semtute lawchak ding aum puai ti ah gel in, Lungawina tawh kithua Pathian ngaisakna hi lawkna thupi tak ahi zia midangte kiang in tangkopi zel hitiu. Lungawina chun kichamna a tunsak sek in, kichamna munah chun


Lalpa thuguk hiat ding aum zing sek ding ahi.

Lopina zosia Lalpa chang henla, i ginna zia ua lungawi zo te zosia chungin lawkna thupi tak tung taken! Amen.

.....xXx.....

KEIMA HINKHO THUSIM LAHCHOM

By Rev. Ngulkhongam Lhungdim B.A; B.D.
K.C.C Dewlahland, Imphal Manipur.



Khuga Sadar Presbytery Manipur hi keima tah eisem doh Presbytery ahin kei dinga ka haimilthei lou ding ahi. B.A 1972 in Guwahati University hoija D.M College Imphal mun a kahin chai in ahile Pathen in kei milhasam le hatlou kahi vangin kapenna ka pa chu HAOKIP OPEN RESERVE sunga Gospel Pioneer ahijeh in kei jong Pathen in eiheng in ahile B.D sim dinga kavaikon thei ahi.

Sopi Pasal-5 kahiu vin Pathen in kei chu eilhen ahi. Pathen in Jese cha 8 lah a David alhen tobang ka hi ahi. Pathen in athem le aching alhen jong um ding ahin kei Insunga dinga chu kei eilhen ahi. Pathen in eilhen kakipah e. Ka golho chu lekha them tah tah HOU ngailutah tah a um un ahin Pathen in alhengpoi.

12th January 1943 Tuesday nikho tah a LOIKHAI Pu Telngoh Haokip khopi minthang Loikhai a ka hung pen ahi. Kapa Evangelist Hemthang Lhungdim chu Pathen lhen in 1937 kum tah in Loikhai a Gospel lhangsam dinga lhung ahi. Christian khat cha umlouna mun ahi vangin Pathen sol ahijeh in alutjel jeng theiye.

B.D 1973-1976 sunga Leonard Theological College Jabalpur MP India mun'a kum 3 ka um sungin American Missionary lhagao mi tah tah jeng ana um in ahile kei dinga khonunga kakiman chah thei na dinga lamhil einei jeh un kei dinga Leonard Campus a kum 3 ka um chu ka hinkho lhum a dinga phachom alhinge.

Tohna ding mun toh kithuh a kichuhna/training nei hi thil phachom ahi. Christian life, Social life le adang dang kahinkho sunga ka kimanchah theina jouse hi training na mun a kakijil doh jeng banga sei thei ahi.

PUNCTUALITY:

Social life, hinkho man dinga abonchao a Missionary ho

a kon a kakijil doh ahin Pastor na toh kahin nei a kon a kahin manchah thei peh chu Leonard Theological College ga/fruit banga sei thei jeng ahi. Americate hi Pathen namlhen mong jong ahieu vin amaho hinkho a kon a mihilson aneithe u ahi. Kei dinga vang B.D kaga sim chu Theory sanga Practical chu manlu ahi jinge.

Keiman ka seisoh thei ka hinkho a kamu chu ahile Ipi natoh hi jongle chungga mi chopkhel lou ding na toh a jong sumsan a jong bol loubeh ding hi ahi. Presbyterian ka toh sungin ama um ta hih jong le nolna le demna ahi pon adihlou a kahet chu Rev.(L) L.Taithul chu a hi. A chungga mi chopkhel abol nopjeh hin a phapon ama jong avangphapon tun athi tan seibe ding um theilou kamu khat ahi. Kuki Christian Church katoh sunga kamu khat chu ahile (L) Rev. T.S.Thangeo hi ahi, miphat, mailhaisel, tong the, tah ahivanga chungga/senior ho jana anei lou ahi. Veote ama sanga kum tampi a senior ho chungga akikoiyin ahivangin vangphat alhungpoi.

Hiti ho hi mit a muthei mihem vangphat lhunglou ho hi

ama le ama kibol ahieuve, bolthei jeh a chih jeh a thep jeh a vangphat lhung thei ahapon Pathen ja jeh le chungga mi ja jeh joh a kilhungthei ahi. Na chungga mi chopkhel hihbeh in. Ven, Govt. na toh na jenga jong chungga jalou ho insunga vang kilhung hoilou ahi.

Keima tah imacha kahilou vangin Pathen in Trulock Theological Seminary Pioneer in kaga pang in chule Baptist hon Upa Ordination anei lou ahi jeh in KCC te a dinga UPA ORDINATION phut doh a kagapan ahi. KCC Manipur Synod a kalolhin jeh in Nagaland KCC akilhunglut jel in chule aban tah Tripura Synod a lhung theiye. Pathen kithopina ahi.

HINKHO HI PATHEN GON JOH KIJUI AHI

Keiman Molhangphai Presbytery chu sempilhing dinga ka sem ahin dalhah dinga kasem ahipoi, Pathen in Mollhangphai Presbytery sanga KCC joh sempilhing dinga ei kou ahi jeh a KCC sempilhing kaga pan ahi. Tun KCC chu pilhing ahitan, kei jong Pathen in eilohinsah ahitai. thupi chu chungga mi jathem thei hi Pathena konna vanglhing tah chan